

Vierde Kriegs- vnd Bußpredigt.

53

lich gemeynet/ vnd väterlich regieret. Ulm/ diß ist dein höchstes Kleinod/ das du hast/ dadurch du gewachsen vnd erhöhet. Wer diß nicht erkent/ vnd Gott von Herzen dafür dancket/ der ist nicht werth/ daß er zu Ulm geböhren/ vnd ein Ulmer heißen sol.

Bittet Gott von Herzen/ daß er Euch vnd ewere Kinder bey diesem Regiment erhalte/ ewer Eltesten/ Richter/ Rärhe vnd Redener mit seinem Geist von oben herab erleuchte/ daß sie vnd ihre Nachkommen demselbigen mit gutem Rath vnd väterlicher Sorg vorstehen/ in seiner flor vnd grün erhalten. Wird diß Regiment geendert/ Ulm weh dir/ so ist's aus mit dir. Verlasset sie nicht zu diesen Zeiten/ setz zu ihnen mit dem Gebet/ die Noth ist da. Wer diß nicht erkent/ vnd Gott von Herzen darumb bittet/ der ist nicht werth/ daß er zu Ulm geböhren/ vnd ein Ulmer heißen sol.

Ehret ewer Elteste/ Richter vnd Rärhe mit Mund/ mit Herzen vnd Gebet. Dann sie sind Ehrens werth. Sie sind Gottes Diener. Wer wolt die vnehren? Sie sind ewere Häupter. Wer wolt sein Haupt vnehren? Sie sind ewere Väter. Wer wolt sein Vater vnehren? Haben sie Mängel/ vergebet ihnen ihre Mängel. Sie sind Menschen/ sie meynens nicht böß/ was sie thun/ sondern Euch/ ihren lieben Mitbürgern vnd Stadtkindern/ zum besten. Deuret ihr schon böß/ so ist's doch so böß nicht/ wie ihr es ihnen mißdeutet. Es kompt ihnen in proximo, zu eigen nicht zu/ sondern dem gemeinen Nutzen zum besten. Wann man alles auff ein mal aufgiebt/ was wil man auff den fünffzigten Nothfall haben? Wann dein Vorrath ein mal aus ist/ Ulm/ so wehe dir! Wer diß nicht erkent vnd thut/ der ist nicht werth/ daß er zu Ulm geböhren/ vnd ein Ulmer heißen sol.

Folgt vnd gehorchet ihnen in allem/ was Gottes Wort vnd Ewer löblichen Stadt Statuten gemeß. Das ist Gottes Befehl/ Gott wil's haben. Es erfordert die Noth. Ewer Eynd vnd Psicht bringis mit sich. Ewer Gewissen sagis euch. Ihr habt den Segen vnd Fluch vor euch. Wer diß nicht erkent vnd ihm nachkompt/ der ist nicht werth/ daß er zu Ulm geböhren/ vnd ein Ulmer heißen sol.

Seyd gewarner vnd hütet euch/ daß ihr Sie nicht verachtet. Dann thut ihr das/ so verachtet ihr Gott selbst. Daß ihr sie nicht vnehret/ von ihnen nicht vbel redet mit ewer Zungen/ sie nicht schmehet vnd schendet. Dann thut ihr das/ so ist ewer Zung wider den HERRN/ vnd denselben lestert vnd schendet ihr. Daß ihr nicht vngheorsam seyet/ gegen sie murret/ auffrührischer Reden vnd thätlichen Beginnen vernehmen laßet/ ein vnd den andern auffweglet/ sie begehret abzuschaffen/ vnd aus ewerm Hauß das Regiment zu bestellen. Lese Spruch, 24. vnd Sir. 7. Wer diß nicht erkent/ vnd sich dafür hütet/

G iij

hütet/

zu Blatt

062

060

066

056

071

051

011

Ende

Anfang